



07187

三塘鮓唱



三塘

丁山湖老漁  
侯天佑題



泉唐丁氏梓行

三塘鮓唱



余旣成北郭詩帳二卷其四至皆以魏氏湖墅詩爲斷而拱辰之北東新之東芳安之西皆與湖墅水道相接尺寸閒頗難界限因溯同治丙寅佐開臨平湖其後又董修海昌閘壩光緒乙亥襄築北關至大麻隄橋岸跳凡九十里癸未重建拱辰橋甲申疏濬茗溪積沙並補潰塘先後召工率役扁舟往來者幾二十載山林登眺港汊湖洄耳目所經偶寓吟詠考明鄉先達陳公善曰仁和之水河渠之大者有三自艮山門迄長安壩號上塘自北關迄大麻邨號下塘自高橋迄奉口號宦塘洪流巨浸更分支河旁近土田

三塘漁唱自序

一

仰以漑潤詳哉言之著在圖經可按也今依其分渠檢以舊什名之曰三塘漁唱附之北郭之後庶得沿溯流源若謂畀益水利則吾豈敢光緒二十四年臘月松生丁丙自序

余猶知北塘積湖二卷其四至皆以魏氏湖墅詩爲斷而拱辰之北東新之東芳安之西皆與湖墅水道相接尺寸閒頗難界限因溯同治丙寅佐開臨平湖其後又董修海昌閘壩光緒乙亥襄築北關至大麻隄橋岸跳凡九十里癸未重建拱辰橋甲申疏濬茗溪積沙並補潰塘先後召工率役扁舟往來者幾二十載山林登眺港汊湖洄耳目所經偶寓吟詠考明鄉先達陳公善曰仁和之水河渠之大者有三自艮山門迄長安壩號上塘自北關迄大麻邨號下塘自高橋迄奉口號宦塘洪流巨浸更分支河旁近土田



序

學輅昔從丁君松生修濬茗溪趨王之暇擬輯軼事詩文自唐迄今凡關涉南北茗者爲書一卷傳郡邑之掌故備志乘之搜採乃人事允集蹙蹙無暇晷今雖繫諸懷而未有以自慰也戊戌之春訪君城東時君猶老健日課一詩以自娛余規之曰得毋太勞苦耶神嗇則存耗則竭此金匱之祕言願君之三思之也君笑答曰吾以怡吾神耳言次出三塘漁唱三卷見示凡詩百四十首首自爲注自史籍雜說由經地志鉅公鴻儒之遺篇古廟荒冢之舊刻凡關考證罔

三塘漁唱序

一

不備錄舊說譌誤閒加考訂皆詳審精確折衷至當詩亦清新婉雅慨時會之變遷傷先哲之長逝撫今思昔憑弔慷慨余乃歎君之立言何其工用心又何其深也君故多藏書詩中所採輯其遺聞軼事有他人目所未覩者此僅其淵博之一端在君非有意侈富也今年季春君歸道山哲嗣和甫校勘付梓凡東至臨平西抵良渚沿中河而下五林之要隘唐樓之繁盛展卷諷詠若接於目異日者儻得攜酒具買小舟出餘杭之門扣舷而徧遊焉羣峯送青寒水澄綠煙雲縹渺林樹高下攀慧日之桂折超山之梅篷窗



日煖開是卷而讀之與風景相印證發弔古之幽思  
尋先賢之墜蹟尙思賡續是編丁君有知其許我乎  
光緒己亥九月錢塘仲學輅



三塘漁唱序

二

尺蠖齋中學輅

尙想瓊巖臥巖下孫音脫其音卷平

雨文興風景琳瑯備錄中書之韻思

三塘漁唱卷上

錢塘

丁丙

搖出東河第一橋，  
擢歌聲裏雨瀟瀟。  
會安壩隔沙河岸，  
日近長安望不遙。

康熙仁和志上塘河舊名運河一名夾官河西自德勝橋東抵長安壩南通外沙等河東經赤岸等河兩岸田何止千頃天順閒知杭州府胡公濬以父老郎遲言與知縣周博親自計度近河民田多寡起夫開濬仍修覓堰閘壩以時啟閉使不盈涸說者以爲其地視下塘高約二丈開墾未深不能

三塘漁唱卷上

一

多蓄霖雨經旬易至漏洩一遇天旱水竭附近農夫盡爲束手遂至田禾枯槁穀粒不收若能規久遠於農隙水涸時督令近河兩岸人家計畝開濬并各濱港一體致功深可蓄水值旱可轉水利亦溥矣 顧祖禹讀史方輿紀要長山門外有會安壩洪武初置以瀦上河之水 一各夾官西自椿庭一火葬萱親九里松楸空慘神泣效丁蘭還起墓至今塘號蔡官火壩登真雨齋齋會安壩開修咸淳臨安志蔡官人河在艮山門外九里松 嘉靖仁和志宋朝奉大夫蔡汝揆庶母沈卒父霖火



之汝揆後以父蔭入仕每感無松楸之地言輒涕  
泣刻木爲形具衣冠而葬置田建庵命僧守之鄉  
人呼爲木孃墓又呼爲蔡官人塘  
沈崧歸省過臨安武肅留軍奏授官文獻一編渺千  
載塘灣密竹尙清寒

吳任臣十國春秋沈崧字吉甫閩人也祖輅唐大  
理評事賜緋父超福州長溪縣令崧初生時有大  
蛇墜榻前引首注視久而方去旣七日將浴忽風  
雨震壞浴盤人咸異之乾甯二年刑部尙書崔凝  
知貢舉登進士第者二十五人崧與焉已而昭宗

三塘漁唱卷上

二

御武德殿命翰林學士陸扆祕書監馮偃覆試凡  
落十人是日崧再入選尋歸閩道由淮甸淮帥辟  
之不就遂經杭州武肅王留爲鎮海軍掌書記除  
浙西營田副使奏授祕書監檢校兵部尙書右僕  
射凡書檄表奏多崧所出後唐莊宗卽位改元同  
光武肅王問其祚修短崧曰觀此號爲國不成止  
一口耳文穆王立雅好儒學置擇能院選吳中文  
士錄用之命崧領其職國建拜崧丞相天福三年  
二月卒年七十六諡曰文獻有集二十卷 姚靖  
西湖志縣東二十五里沈家塘相傳爲沈崧宅



厲鴉樊榭山房集皋亭舟中詩密竹沈窳家  
歸櫂欣無木筏爭沈塘灣裏碧波清義橋正作村夫  
子重話家山老弟兄

沈廷芳隱拙齋集沈塘灣云吾家灣最好小艇卽  
爲家一棹煙波去遙天雁字斜寒松窺野屋殘雪  
點溪沙夕景木簾集行人爭渡譁符曾春鳧小  
稿題玉麟徵義橋村塾圖云野橋接平楚茆屋三  
家村中有童子師講習相討論陋彼章句流何異  
蝨處禪始信邨夫子獨守師儒尊王曾祥靜便  
齋集義橋陳氏壽讌序距城東北二十里地曰義

三塘漁唱卷上

三

橋橋西陳氏自明初迄今四百載合十三世不滿  
百人歲丁未余假館陳氏之宗老曰殿珍教其子  
雲階雲裁則皆其弟殿玉君兒也殿珍重義氣殿  
玉敦內行余賢而安之值先太君疾辭去十餘年  
茲者殿珍下世殿玉撫其遺孤復延余爲師月之  
十六日爲君六十令辰從余乞言獻爵者爲君之  
族黨某某例得書用爲之序

槎溪張氏循王後集著聯輝隱竹居羅漢寺尋吳越  
樹錦雲鄉訪水芙蓉

吳允嘉武林耆舊集張輿字行中仁和槎溪人洪



武初上書論時務稱旨授刑部主事詞翰清麗弟  
輅字行素永樂辛卯鄉舉兄弟友愛著有聯輝集  
集中有亭溪羅漢寺古樹壅腫甚怪相傳爲吳越  
時所植感賦云千年古樹蔭僧房壅腫那堪作棟  
梁自與彭聃同歲月不知吳越歲興亡又贈獨山  
隱士陳士甯詩有橫溪別業錦雲鄉紅白蓮花薛  
荔牆之句

雪窖盧家凍不澌冰簪同駕鼎湖湄著緋人見沖沖  
鑿何礙紅衣畫釣師

咸淳臨安志行人橋在盧家雪窖南正章綽雞肋

三塘漁唱卷上

四

編紹興壬子冬大寒行在冰厚數寸北人遂窖藏  
之燒地作窖藏待明年天中節供奉行宮周紫芝  
有登竹閣見緋衣荷鋪人鑿冰收藏雪窖詩 趙  
彥衛雲麓漫鈔賀正多值冰雪有司作浮筏前用  
巨碓擣冰謂之冰簪以迎北使 南宋雜事詩蚤  
駕冰簪過鼎湖

一泓水與一林竹物外儲無他物名文敏揭題誠意  
記寺軒更合號雙清

劉基誠意伯集東山壽聖寺物外上人名崇超所  
營也寺在湯鎮寺中軒曰雙清軒所儲無他物有



水一泓有竹一林上人日與之爲徒故遂以名其  
軒書而揭於軒者翰林學士吳興趙公也

湯村捕尉護精靈車四偷延六十齡今日不知誰富  
貴太師惟贖草痕青

洪邁夷堅志蔡元長初登第爲錢塘尉巡捕至湯  
村薄晚休舍有道人狀貌甚偉求見蔡平日喜接  
方士亟延與語飲之而去明日宿它所復見之又  
明日泊近村道人復至飲酒盡數斗懇曰夜不能  
歸願託宿可乎蔡始猶不可其請至再不得已許  
之且同榻命蔡居外已處其內戒曰中夜有相尋

三塘漁唱卷上

五

覓者告勿言蔡意其姦盜亡命將有捕者身爲尉  
顧匿之不便也然無可奈何展轉至三更目不交  
睫聞舍外人聲俄頃漸眾遂排戶入日車四元在  
此何由可耐欲就牀擒之或曰恐并損牀外人帝  
必怒吾屬且獲罪蔡大恐起坐呼從吏無一應者  
道人安寢自如撼之不動外人云又被渠禪了六  
十年可怪可怪道人矍然興謝曰某乃車四也賴  
公脫此大厄又可活一甲子已度世第三次矣自  
此無所患公富貴窮人爵吾是以得免

周輝清  
波雜誌京之卒適潭守乃其仇數日不得殮隨行



使臣輩藁葬於漏澤園人謂得其報此說止見於靖康禍胎記宣和閒京師染色有名太師青者迨京之殮無棺木乃以青布條裹屍茲其識也

雨中督役過湯村鹽事繁興聲暗吞畢竟坡公好襟抱又思清順對牀論

查嗣琛蘇詩補注年譜熙甯五年蘇軾在杭州通判任督開湯村運鹽河 烏臺詩案熙甯時盧秉

提舉鹽事擘畫開運鹽河差夫千餘人軾於大雨中部役其河只爲般鹽旣非農事而役農民秋田未了有妨農事又其河中閒有沙數里軾宣言開得不便自嗟泥雨勞苦作詩以諷謂不當以運鹽河妨農事也

三塘漁唱卷上

六

預奏甯藩逆蹟彰鄉祠崇報別孫王橫塘冊二餘田里端賴公歸得免糧

明史胡世甯字永清仁和人宏治六年進士由德安推官歷遷江西副使時甯王宸濠有異志世甯上疏宸濠怒列世甯罪乃命錦衣官校逮捕謫戍瀋陽居四年宸濠果反世甯起爲湖廣按察使擢右僉都御史卒贈少保諡端敏 翟灝艮山雜志永惠祠在石陡門東祀明浙江巡按御史龐公尙

鵬兵部尙書胡公世甯以仁和令樊公良樞何公  
光儀配志乘闕載不詳並祀之由父老相傳皆謂  
改折地糧一事胡公奏請三公均預有力胡公首  
事奏請里民尤感其惠因亦專稱曰胡端敏公祠  
雍正十年巡撫程元章以永惠祠應修胡公後人  
呈請領帑於公故里擇地別建專祠補胡國信端  
敏公祠記公陞辭賜資甚厚公曰臣居仁和沙磧  
岸土不產米粟鄉民遠赴買米完漕若可邀恩改  
折勝於厚賜世宗欣然允請著司牧查勘仁邑沿  
江沙磧岸土四十二里有奇盡行改折

三塘漁唱卷上

七

永和隄贖草青青數里聲微石鼓亭茶藥花飴拜恩  
去班荆館址久飄零

嘉靖仁和志永和塘地接白龍潭一遇卯風數百  
頃瞬息湮沒鄉民患之紹定己丑邑士范武倡捐  
修築許參政應龍有永和隄記 重沈謙臨平記晉  
武帝時臨平岸崩出一石鼓搥之無聲帝問張華  
華曰取蜀中桐材刻爲魚形扣之則鳴於是如其  
言果聲聞數里天啟中僧大掄建石鼓亭其下

乾道臨安志班荆館在赤岸港 宋史禮志北使  
至闕先遣伴使賜御筵於班荆館酒七行翼日登



舟至北郭稅亭茶酒畢上馬入餘杭門

太師鳴裏湖劉旰端聖行宮此暫遷猶有遺民談避

地指經輦道訪珠泉

西湖志纂黃鶴山之北宋太尉劉琦居鳴名太師

鳴嘉靖仁和志赤岸嶺之西有珍珠鳴宋少宰

劉正夫墓在焉其大清一統志留下在錢塘縣西

北地形爽塏宋南渡將築行宮於此高宗覽圖曰

事且留下後遂以爲名康熙錢塘志歷方井法華

亭秦亭幾十有八里爲南宋車駕入禹航洞霄宮輦

道取王暉霞舉堂集珍珠泉在顯甯寺方丈之前

三塘漁唱卷上

八

以足蹋地則泛湧如珠故名

韋謝宋時兩太后北歸北去總舉亭恩恩百五十年

事只賸撒沙孃子靈

孫士毅游舉亭山記趙宋韋氏謝氏兩太后游覽

志記之詳矣當其北歸北去所經輦道不外舉亭

瞬息百五十年天祚遂移遐思偏安伏豫之時水

色山光不知若何景象矣太胡世甯撒沙護國夫

人廟記神世居仁和裔出倪氏時值金兵神尙屬

大閨女避亂郊野飢寒迫切狼狽而殞里人憐其捐

軀守志瘞於舉亭之半山金兵長驅南逐康王奔



逸夜夢神曰王但前吾當助陣明日接戰忽狂風大作向北揚沙金人目盡瞽宋兵鼓勇前追俘斬無算高宗卽位首崇祀典敕封撒沙護國顯應牛山孃孃立廟塑像

皋亭城朔晉唐時井作馮家神祀祠漫訪咸和八年篆牛僧孺碣亦無遺

樂史太平寰宇記皋亭山上有石城周迴十里

陸次雲湖堧雜記馮氏井在崇先寺旁古磚篆刻字磚凡八十四其刻云咸和八年十月丁丑朔馮

氏作王象之輿地紀勝皋亭神祠碑牛僧孺撰

三塘漁唱卷上

九

七孃子廟願香燒蠶事將忙晝復宵不聘烏圓怕傷鼠半山呼伴買泥貓

咸淳臨安志七孃子廟在皋亭半山舊傳崇善王妹也孫士毅遊皋亭山記半山泥貓亦湖上土宜類也村婦養蠶多買之

伯幾遊宿醉流霞書畫僧藏向客誇徧出淨師蘇趙筆勝看傾國與名花

鮮于樞游記元貞元年四月送客臨平自皋亭山以北多野醪醱香氣酷烈薰人欲醉晚宿廣嚴院僧曹聞妍奇喜客置酒西樓下明日徧歷殿廡普



聞煮筍薦酒大出書畫誇客中有淨師草聖四大  
幅問之乃寺僧也紹興初被召作草首書名花傾  
國兩相歡宋主不悅賜罷今錢塘人家所收稱王  
逸老合作者皆其書也又東坡趙令爍唱和真蹟  
一卷

楊和王墓易碑材玉盃金魚出土來寺忽改墳墳改  
寺苗劉傳誤更堪哀

陶宗儀輟耕錄至元庚寅冬江浙行省官立相哥  
沙不丁輩德碑穹窿莫比特闕坐石時趙若晦者  
素善諂媚以楊和王墳域所有爲言役人夫數千

三塘漁唱卷上

十

挖拽而至 田藝蘅留青日札宋楊和王沂中之  
墓在德清錢塘接界處規制甚大徑路猶存碑表  
盡滅惟一庵觀乃香火院地有楊姓者云是後裔  
其象尙在楊悅家并高孝御札三十九道墳已被  
掘正德間一沈姓者得玉盃二玉杯十五象碁一  
副并諸玩器爲鎮守沒入近年小民土中得一銅  
爵腹育子孫永保四篆字東湖塹雜記皋亭山下  
有劉墳宋鄜王劉錡葬處先是地爲顯甯寺王移  
寺隄外而築墳於中越五百年有僧具德者履王  
墳以爲佳棄墳於隄外面復建寺且託言非韓劉



之劉乃苗劉之劉又何冤也

儀和泉訪大雄麓況有淳熙碣可摹不惜萬錢作泉  
主吳興沈屬武林胡

圖書集成胡允嘉皋亭儀和泉記甲辰冬遷先碩  
人柩於錢塘大雄山山圍水中泉若乳汁不堪甌  
蟻之汎一日從家公策杖鑿源見山麓一區方八  
九尺清水湛然斷碣隱隱草際洗而讀之曰儀和  
泉淳熙三年三月十日吳興沈彥重立共二十四  
字餘七字漫不可讀更不知起何時丙午正月又  
同道載過之道載曰皋亭峻烈削人此泉清和似

三塘漁唱卷上

七

勝余曰是之所以名也三月余又過之居人出券  
紙示余孝瞻曰勝自我得何必定爲几案閒物余  
笑謂使我稱儀和泉主人不益親哉遂以萬錢售  
之

學積行修意氣雄玲瓏詞筆琢春風多情赤岸停孤  
棹老淚青山泣殯宮

樊榭山房集吳尺鳧學積行修意氣高爽連蹇不  
遇死以晚年頗耽琢小詞以僕爲能賞音今無春  
風之筆矣又亡友吳繡谷墓下云赤岸停孤艇青  
山對殯宮平生腹痛語今日淚痕中子守書無失



人嗟命不融，凌雲埋可得。地下傲三公，  
春風桃李奉芳型。節鉞還扶杖，履停花落壽杯花。亦  
笑蘭亭今亦讓，臯亭  
阮亭臯亭倡和詩庚申上已家兄侍叔父偕諸同  
人於臯亭山修禊作圖記事先是戊午春兄爲學  
使曾偕蔣蔣山陸祁生紹聞同游各有吟詠二陳  
文述詩迎眸山色一痕青。修禊人來畫舫停。一種  
桃花與修竹，臯亭原不讓蘭亭。花下親扶杖，履來  
花簪華髮笑顏開。羽觴浮向桃花水，都與先生作  
壽杯。紅雲白雪問如何，萬點濃香漲綠波。三載春

三塘漁唱卷上

七

風舊桃李可知還，比此閒多

放翁入蜀出杭州登載漕司所假舟一棹紅亭過赤  
岸曉來魚蟹富汀洲

陸游入蜀記乾道六年閏五月二十日買小舟出  
北關登漕司所假舟於紅亭稅務之曲六月二日  
過赤岸班荆館小休三十六里宿臨平三日黎明  
至長河堰亦小市也魚蟹甚富

梨花楊柳任飄零，沽酒帘撐一角青。五月披裘負薪  
子謂留積雪賞臯亭

魏標湖墅志畧夾城八景六曰臯亭積雪 陸以

滄冷廬雜識杭人相傳道光二十一年十月三十日大雪至十一月初十止平地丈餘街衢中開一

道雪堆左右閭肆之門爲阻壓圯民居無算北郭三山一水隈晴嵐溼翠白雲堆煙雲烘染天然畫好印平皋鶴叟來

朱珪名蹟錄張紳書朱伯盛印譜後予座主張先

生仲舉在杭一印曰平皋鶴叟蓋用杭州三山名臨平皋亭黃鶴也元史張翥爲杭州鈔庫副使

張大昌臨平記補遺張翥心性之學受之李存聲律之學受之仇遠其後講學無成卒以詩著所

三塘漁唱卷上

七

撰蛻庵集古體頗類香山諷諭遺韻三字之鐫其放情山窟中雅懷若揭矣

無數汀洲風露香繞門采徧曝秋陽莫輕片片乾荷葉價勝鮮新十倍強

周密癸辛雜志皋亭蕩戶云曬荷葉遇雨所著處皆成黑點藏荷葉須密室見風則蛀損不堪用

叔明王氏圖琴鶴寫似湯村錢以良楊篆董題還沈記清河書畫載琳瑯

乾隆杭州志王蒙字叔明宅近黃鶴山因號黃鶴山樵張丑清河書畫舫新都徐晉逸購得王蒙



琴鶴軒圖卷爲湯村錢以良作運筆古朴設色純  
厚種種皆可寶藏卷前有楊尹銘篆署後有沈夢  
史麟記釋法震董存等十詩皆真蹟

彈驅赤岸烏鴉去謠應皋亭白雁飛縱惜岳將軍不  
見風雷空現四山旂  
葉紹翁四朝聞見錄紹興初高宗建行闕於鳳山  
中林木蒼如鴉以千萬噪鳴聒天高宗命內臣領  
修內司諸兒聚彈射而驅之臨平赤岸閒未幾復  
如初  
田汝弼西湖游覽志餘德祐二年正月伯  
顏次皋亭山少帝奉表以降先是臨安有謠云江

三塘漁唱卷上

函

南若破白雁來過蓋伯顏之讖也 郎瑛七修類  
稿韋太后北歸至臨平問何不見大小眼將軍耶  
人曰岳飛死獄矣遂怒帝欲出家故終身在宮中  
著道衣 雲蕩淡墨皋亭山伯顏取宋屯兵處方  
伯顏兵至是夕大雷電伯顏望見四山旂旗閃爍  
皆作精忠岳家字伯顏宰牲祭告祭訖風雷乃止  
道月終輪佛日光榮公於此結禪房送迎只有蒼髯  
叟髯與坡公孰短長

東坡集佛日山榮長老方丈五絕之一陶令思歸  
久未成遠公不出但聞名山中只有蒼髯叟數里

蕭蕭管送迎 咸淳臨安志佛日山在母山之東  
北中有佛日淨慈寺

文節佳城黃鶴峰神籤乾亥示來龍更祈安寧何時  
吉騎鶴靈徵恰在冬

浙江通志王修玉字倩修祖母陳老且疾嘗夜祈  
天願減齡益祖母壽父以遭誣下獄扶救倍至與  
毛先舒吳任臣俱以著作稱 王際華王氏家譜  
公卜葬黃鶴山命子元斌祈關廟籤有乾亥來龍  
子細看坎居午向自當安之語意與鶴山地向相  
合後葬期未定又卜有更遇秋成冬至後恰如黃

三塘漁唱卷上

五

鶴與腰纏語厥後擇臘八日值冬至後且穴居黃  
鶴山麓騎鶴之言尤爲奇驗

僧言名筆有坡公佛日行如香篆中叟揖蒼髯酌甘  
露肅觀經藏溯元豐

鮮于樞游記造方丈得東坡真蹟於法堂東壁云  
祖老人山之十三日述古赴南都率景達原叔子  
中子瞻會別於此 沈謙東江集鈔游佛日記淨  
慧寺爲唐本空禪師道場門有大松蒼翠奇崛相  
傳爲空師手植寺廢時土人伐之見幘頭朱衣人  
皆惶怖走避亦稱悟道松松下有甘露泉宋楊無



幸爲詩佛日鴨前水行人甘露杯 鮮于樞游記入  
藏殿觀元豐閒所書經藏有巨蛇不敢近者久矣  
凌家東墅結茅茨鼎食鐘鳴未足奇荆樹竹林無限  
意令人愛誦雪溪詩  
蘇平雪溪漁唱集爲凌樂耕賦東臯茅屋云何如  
樂耕老人住東墅結屋誅茅蔽風雨又寄凌氏兄  
弟云鹽官城西多故家鐘鳴鼎食紛如麻何如凌  
君好兄弟孝義由來人所誇伯子風流出人表稟  
資天然富才藻仲君平生慕高潔文彩風流更超

交絕

三塘漁唱卷上

七

安隱院生竹曲曲廣嚴寺有竹雙雙此君屢遇游題  
客斜寫龍蛇映碧窗

咸洎臨安志安隱院在臨平山南生曲竹林次麟  
詩直節稜稜是此君耳孫卻以曲爲名首陽山下  
知誰種只可斜封向管城 司馬溫公集杭州廣  
嚴寺有雙竹於枯樹腹中自其頂出森然並疏樹  
如龍蛇相縈矯首呀然余游見之爲賦詩云雙幹  
格枯腹青青凡幾霜屢來非別意未與此君忘  
臨平湖任鬪雙龍廬墓哀馴鹿犯松自古求忠必於  
孝褚神童不負開宗



唐書褚無量幼孤貧近臨平湖湖中有龍鬪傾里  
閉就觀之無量時年十三讀書晏然不動嘉靖  
仁 and 志褚無量母喪廬墓鹿犯所植松柏無量號  
訴鹿不犯焉臨平記舒國立朝克盡臣職又復  
號哀馴鹿乎及無知古稱求忠於孝洵不誣矣  
楊花如雪捲波麤天錫三春過此湖何止風蒲思獵  
獵蘭閨先畫藕花圖  
薩都刺雁門集過臨平云昔人五月臨平路汀洲  
藕花滿無數此來三月過臨平雪白楊花捲波去  
臨平記珍珠船曰參寥秦少游友以契許嘗過

三塘漁唱卷上

七

臨平道中作詩云風蒲獵獵弄輕柔欲立蜻蜓不  
自由五月臨平山下路藕花無數滿汀洲東坡爲  
書刻石宗婦曹夫人善丹青作臨平藕花圖

孤櫂流離尸觸船卅篇詩卷淚悽然兩般秋雨盦題  
曲足與東江集並傳

吳顯杭郡詩輯東江手書詩卷自跋云庚寅四月

二十三日四鼓過寒山曉月映瑤流尸觸船余披

衣起視悲愴欲絕流離之苦大畧可見天明因錄

本年五言律四十四首聊以當哭餘體不及備書

梁紹壬兩般秋雨盦隨筆東江手書詩卷今藏塘



棲金氏以俞樾賓萌外集沈東江手卷兩香金丈  
既切梓桑之敬兼深文字之緣重付裝池廣求椽  
筆喜慕出榮茲傳皇大旨照或想顯金三十式錄

景星觀只崇青帝誰待邱仙返翠微嶺上定騎黃犢  
去池中還賸白鷗飛器器音共容節文器各日試試  
嘉靖仁和志景星觀在臨平鎮宋紹興十年建舊  
爲東嶽行祠淳熙三年移改是額咸淳臨安志  
黃犢嶺在安隱院後唐邱真人每乘黃犢采藥故  
名臨平記補遺顧逋翁訪邱員外丹詩云池中  
數箇白鷗兒見人慣後癡不飛待君歸來君未歸

三塘漁唱卷上

文

卻復騎驢下翠微

明因尼站玷空花撒入如何慕出家太后寵雖錫金  
帛伯顏餘孽動咨嗟

西湖游覽志餘元時臨平明因寺尼刹也豪僧往  
來投寺則呼尼之少艾者供寢寺主苦之於是專  
大設一寮以貯尼之淫濫者供客僧之需名曰尼站  
寺明胡濙明因寺碑記元太師伯顏甥孫女名撒  
八喜慕出家茲寺皇太后別迪助賜金三十斤綵  
段若干疋重立碑石文臨平記沈聖治曰伯顏縱  
逆極矣以甥孫女之遠太后猶賜金段豈非權燄



震撼所致哉臨平此時又一騷擾矣

鶴南居構顯甯院宅相微吟慨外家從此金身崇不壞山邱華屋漫咨嗟

金漸皋貽安堂詩外集外大父徐鶴南公故居移構顯甯禪院野君表兄有詩志感次韻陳蹟難尋夢幻如空餘馴雀繞階除百年肯構荒庭月三徑新犁夜雨蔬毀室我殊慚宅相焚林人正苦苞苴差堪耐久禪宮殿禾黍悲深故鎬居法師碑燬讀難堪元覽功從錄本探不惑空桑無父教伽藍祖祀褚河南

三塘漁唱卷上

五

鮮于樞游記明日徧歷華嚴院得元覽法師碑乃唐開元廿三年徐安貞撰褚延誨書師姓褚氏其先河南人食采錢塘因家焉邑有故隋華嚴寺乃師俗緣之地因成此院後改今名碑經焚燬今不可讀寺有錄本遂得其詳寺僧指伽藍神曰此元法師之祖褚河南也臨平記元覽爲河南之孫因祀祖於寺其不惑於空桑無父之教亦沙門之特矣至今本寺伽藍猶稱褚相公云

北關分課屬臨平酒醋還收魚戶征監稅公兼煙火事寶幢金李認題名



萬厯杭府志  
洪武十四年定臨平稅課局錢鈔永樂十年定商稅門攤挑販魚課河泊所魚戶等鈔成化十年定橫塘臨平稅課局稅辦課鈔萬厯六年定商稅酒醋課鈔安平院經幢碑記唐大中十四年建立臨平寶幢紹興庚辰四月重立朝奉郎監臨安府臨平鎮稅兼煙火公事李穉又臨平都酒務金承

雪晴古戍落輕帆石鼎銅鑪宿火銜與柳郎中晤陳尉邈師淨室不塵凡

東坡集雪後至臨平與柳子玉同至僧舍見陳尉

三塘漁唱卷上

辛

烈落帆古戍下積雪高如邱強邀詩老出疏髯散  
颼颼僧房有宿火手足漸和柔靜土素寡言相對  
自忘憂銅鑪擢煙穗石鼎浮霜漚我行雖有程坐  
穩且復留大哉天地閒此生得浮游 宋史陳烈  
字季慈侯官人元祐初部使者申薦之以宣德郎  
致仕

山外山聯渡傍渡夕陽春水石屏哦而今奉口臨平  
路塘裏塘還河裏河

繆良塗說曹家溪河底石筧在臨平鎮西茅橋壑  
石於運河之下以洩曹渠之水暗注下河俗稱河

裏河卽石筧也宋慶元二年景定三年元至元三  
十年大德元年俱重修明崇禎十四年大旱諸閘  
筧俱高不能洩水當事者議去運河底石洩水救  
田比洩水後石縫不能合里人陶子昂請葺乾兩  
邊河水以豬肝合瓦灰搗砌始如故張爾嘉茗  
溪雜錄奉口至大溪多有夾塘俗呼塘裏塘是也  
恰憶戴石屏詩春水渡傍渡夕陽山外山二語大  
可作對

稽山江水案環流葬飾臨平土一邱朽骨竟遭方臘

毀西風落葉不勝秋

三塘漁唱卷上

三

入蜀記臨平者太師蔡京葬其父準於此以錢塘  
江爲水會稽山爲案山形如駱駝葬於駝之耳京  
責太子少保制云託祝聖而飾臨平之山是也

曾敏行獨醒雜志方臘陷睦州江浙亡命相率從  
之眾至數十萬是時天下晏安久州縣皆不習於  
兵望風奔潰臘聲勢益張復陷婺歙等州乃入錢  
塘觀鑑飲犒連日因遣人發掘蔡氏父祖墳墓露  
其骸骨加以唾罵王師旣至相拒累月不能少挫  
其鋒

慧舉僧邀功甫遊臨平菴址訪雲邱稻畦蓮渚題張



祐可有唐時舊蹟留

張鉉南湖集蘆山長老慧舉見訪約遊其臨平菴

居自號雲邱草堂因贈四韻此客南湖不易逢幾

年塵外願相從風流前輩親曾識興寄高情老未

慵行柳映門宜著舫青燈同坐到聞鐘稻畦蓮渚

臨平境何幸同師覓舊蹤畦蓮渚見唐張祐寓

居臨平詩

晚達臨平百一翁塾師強學隸芹宮吾杭科目原全

盛封爵惟推一等公

杭郡詩輯孫士毅仁和入厯官文淵閣大學士諡

三塘漁唱卷上

三

文靖有百一山房集文靖家臨平世業賈時德清

蔡某在鎮授徒強令附學父勿喜也年四十始登

賢書乾隆辛巳成進士不十年開府滇南升總督

職兼將相以征安南封一等謀勇公吾郡科目中

膺五等封者文靖一人而已

申公楚事付蒼茫未識將軍封號詳木彪山夔敢侵

廟賜簷綠錦颺風廊

梁學繩庭立紀聞臨平陡門橋有申將軍廟宋人

碑謂爲申包胥咸禧臨安志云父老相傳是申明

父白公作亂王命明伐之白公殺其父後人立祠



不知申明何人春秋傳無之申明必鳴字之謫  
樊榭山房續集題驃騎將軍廟詩楚事蒼茫直至  
今何年此地出神林賜旛綠錦休重問木彪山夔  
不敢侵注云元俞玟題廟詩呼童出示綠錦旛云  
是先朝勅賜物

太僕王承汲黯風鼎湖夢挾赤虬公力攻海上諸驕  
將閭闔排雲早感通

杭郡詩輯王益朋原名聘字莘民一字元之號鶴  
山仁和人順治乙未進士歷官太僕寺少卿祀鄉  
賢有清貽堂存稿少時讀書海昌道出臨平忽夢

三塘漁唱卷上

三

身爲虬螭騰雲電而排閭闔有紀事詩云朝來忽  
夢赤虬公兩手推日排天空紫髯使者傳帝敕命  
臣激水海南東後官諫垣首劾海上鎮將交通賊  
黨請按治後果事敗

臨平湖竭慨民饑里社蕭條旅館悽何似顧逋翁寫  
景荔庵蓉榭試分題

李紳追昔游集卻到浙西詩云臨平水竭蘂葭死  
里社蕭條旅館秋注云臨平湖竭鄉人言人有饑  
患顧況華陽集臨平鵑雜題有薜荔庵芙蓉榭

二詩



威名卓著范參軍曹信曹圭繼策勳滿室紫光來有  
自天生人傑果超羣

晉書顧眾與虞潭將姚休遇賊將張健戰敗還守  
紫壁時賊黨方銳義軍沮退人咸勸眾過浙江眾  
曰不然保固紫壁可得全錢塘臨平人范明亦謂  
眾曰此地險要不可委也眾乃表明爲參軍明率  
宗黨諸軍四千人討健健退於曲阿萬厯杭府  
志曹信臨平人唐末盜起信糾集義兵以扞鄉邑  
後黃巢之亂信屢立戰功又曹圭爲信之子將生  
信夢人謂己曰我當爲爾子有二千石圭少有膽

三塘漁唱卷上

三

勇乾德中淮人圍嘉禾圭守之淮人望氣者曰此  
雖孤城中有貴人不可圖也嘉禾平圭以功授蘇  
州刺史

負重如駝飲似鼉山曾青眼識東坡送迎久失亭亭  
塢奚必同音辨字譌

入蜀記臨平山形如駱駝蔡京葬其父於此築塢  
於駝之峰東坡樂府云誰似臨平山上塢亭亭迎  
客西來送客行則臨平有塢亦久矣郭北三山  
志咸淳志載沈汝諧臨平山詩山勢分明飲水鼉

鼉疑駝字同音之譌



三秀同宗徐氏門力攻似道負朝恩桂芳橋足酬忠  
讜大德重修石且存

臨平記桂芳橋在鎮中舊名茅橋宋時里人徐宣  
與弟寅垓同太學數十人伏闕上書攻賈似道後  
同登進士垓居榜首鄉人號曰一門三秀更今名  
大德九年重建按橋石題大德乙巳無射月戊申  
日庚辰時建  
寶鼎光芒現赤烏石函四寸耀神符湖開湖塞關天  
運何事將身賣作奴

三塘漁唱卷上

五

平湖邊得一石函中有小石青白色長四寸廣二  
寸餘刻其上作皇帝字孫皓於是改元爲天璽元  
年孫盛以爲元皇中興之符徵五湖之石瑞也  
晉書五行志吳孫皓天璽元年吳郡臨平湖自漢  
末穢塞是時一夕忽開除無草長老相傳此湖塞  
天下亂湖開天下平吳尋亡而九服爲一  
綱目臨平湖草久塞忽然自開陳主惡之乃自賣  
於佛寺爲奴以厭之

春鐙史埭上元期簫鼓塘榭樂水嬉重五半山喧競  
渡青龍頭上颺紅旗



俞樾春在堂文集臨平記補遺序余年甫四齡卽  
從德清舊廬遷居臨平之史家埭所居有樓三楹  
其下臨街每歲元夕張燈輒於樓上觀之擬繪生  
平所游歷爲四十圖其第一圖曰史埭春燈對周  
天度十誦齋集皋亭有靈佑廟午日競渡最盛鄉  
人蠶務畢以報賽焉

臨平山圖

報恩積善理昭昭熊夢蛇祥帳裏宵聞說方家圖子

建泛船怕過女兒橋

成化杭府志報恩橋臨平鎮北積善橋吳家堰下

嘉靖仁和志運河大塘圖子橋里人以無子建

三塘漁唱卷上

三六

此祈之 西湖游覽志女兒橋相傳吳越王女兒  
建在餘杭塘河

女感靈奇孕白龍異僧咒鉢洞雲從旣施甘澤猶懷  
母祈禱仍須沈氏宗

丁養浩西軒類書吾鄉超山臨平邱山每山有水

旱二龍洞超山乃黑龍神臨平乃白龍神臨平龍

神其初有室女感電光而孕父母疑其私欲殺之

女告故至大期父母醜之載以扁舟潛之臨平湖

葦荻閒俟其產一胞剖則白蛇也女恚曰何物怪

幾陷我舉杖欲斃之忽躍入水久之漸興雲雨有



異僧至曰此白龍神也持鉢孟至水際祝之蛇乃  
從水躍入僧捧之陰寘水洞從此靈驗大著 臨  
平記舊傳吾鄉龍母沈氏其家去鎮二十餘里宗  
族甚繁至今祈禱必用沈氏之子乃應

乞巧錢王事有無天然井底蟄龍居唾珠疊疊雲雷  
會雅合山人來讀書

大清一統志龍珠山一名巧山 咸淳臨安志山  
在肇元鄉五都高約六七丈形圓如珠與皋亭黃  
鶴相望 名勝志俗傳錢王七夕乞巧於此故亦  
名巧山 康熙仁和志山勢奇秀巔有井出自天

三塘漁唱卷上

三

然非人工所鑿 李奎龍珠山房集劉子伯序李  
君名奎字伯文號龍珠山人少讀書於龍珠山中  
雖乏雲雷之會而疊疊吐珠談可屈四座

大清一統志龍珠山一名巧山 咸淳臨安志山  
在肇元鄉五都高約六七丈形圓如珠與皋亭黃  
鶴相望 名勝志俗傳錢王七夕乞巧於此故亦  
名巧山 康熙仁和志山勢奇秀巔有井出自天  
然非人工所鑿 李奎龍珠山房集劉子伯序李  
君名奎字伯文號龍珠山人少讀書於龍珠山中  
雖乏雲雷之會而疊疊吐珠談可屈四座  
平記舊傳吾鄉龍母沈氏其家去鎮二十餘里宗  
族甚繁至今祈禱必用沈氏之子乃應  
乞巧錢王事有無天然井底蟄龍居唾珠疊疊雲雷  
會雅合山人來讀書  
三塘漁唱卷上終



三塘漁唱卷中

三塘漁唱卷中  
拱北天開浙水清運河源溯宋元明萬三千二百餘  
丈岸闊橋連第一程  
圖書集成新運河在武林門北新橋之北通蘇湖  
常鎮等府宋淳祐七年大旱運河乾涸安撫趙與  
憲疏言下塘水道斷流商旅不行米價騰踊乃募  
夫分段開掘自北新橋至狗葬奉口民稱便焉元  
至正末張士誠以舊河窄狹復自五淋港開至北  
新江漲等橋遂成大地地有三里十二里漾風波

三塘漁唱卷中

一

塘突無塘遮護爲盜賊淵藪正統七年巡撫周忱  
自北新橋迤北而東至崇德縣界今爲石門縣築  
塘岸一萬三千二百七十二丈四尺橋七十二座  
水陸並行便於漕餉今名玉塘  
倉場驗米重乾圓土產隨裝稅免捐春去秋來如水  
雁全家衣食運糧船  
浙江通志凡應運漕米各州縣將倉貯乾圓潔淨  
樣米封送倉督比對驗收雍正開奉三上諭嗣後  
運丁除包攬抗違外所帶些須貨物無容苛刻盤  
查復令增添攜帶土宜俾得多濡餘潤以贍家口



翟灝北關扣舷錄自拱宸橋至謝村皆漕艘所泊之處春仲挽漕北上至秋閒陸續南旋運丁仰

事俯畜胥賴焉

太平船與牡丹頭客坐低航免稅舟各種商船七十  
六按圖輕重鈔應收

王宮臻北新關志列船式之圖曰鎮江擺江船報

槳船松江船報搖船杭州湖墅船報搖船湖州圈

篷船報搖船檣板尖頭船報搖船劉河蕩湖船報

搖船邵伯木屐頭船報河船桐聞子船報河船邵

伯開梢船報河船平湖花船報搖船光福報船報

三塘漁唱卷中

二

搖船揚州沙飛船報沙船焦湖船鎮江板船報河

船海船報沙船甯波船報尖船大尖頭船報搖船

琵琶船報河船便民船報闔頭船水洋毛篷子報

槳船杭州船報搖船大山船報長船漁山船報沙

船邵伯船報河船馬溜子報河船盛墩山船報搖

船站船報顛船湖州白殼子報搖船吳江尖頭船

報搖船聞裏沙河船報長船湖州花船報搖船蘇

州大尖頭船報闔頭船鎮江攔水船報槳船揚州

木屐船報河船湖州太湖船報太湖船水洋毛篷

子方梢報槳船蘇州船報闔頭船鎮江派子船報



河船湖州太湖船嘉興圈篷船報搖船常州划子  
船外船報划子船常州馬船報攤船湖州船報太  
湖船嘉興齊門船報闊頭船南京滿江紅報槳船  
南京樓船報河船長安攤船報攤船常州划子船  
報划子船嘉定船報闊頭船嘉定平頭船報闊頭  
船鎮江划子船外舵報划子船南湖兜梢船報槳  
船南京船報槳船蕪湖船報槳船板船報河船杭  
州大桐子船報剝船丹陽划子船報划子船飛仙  
船報搖船孝豐船報尖船嘉興鹽闊頭報闊頭船  
糧划子尖頭報搖船抹頭子報河船高滄船報河

三塘漁唱卷中

三

船震彝船報搖船蘇州提關船報闊頭船蘇州蕩  
湖船報搖船南潯航船報航船瓶窰船報攤船杭  
州趕艍船報闊頭船松江華亭鹽坵船報攤船餘  
杭船攤闊拉報搖船施家壩泥塔頭船報攤船餘  
杭區攤圓拉報攤船杭州泥塔頭船報攤船湖州  
沙飛船報沙船

塘岸承修丈四千石在六百洞工連毀家紆患身甘  
辱莫忘耆民施國賢

浙江通志運河下塘自北新橋北直抵石門縣界  
其地有三里漾十三里漾康熙九年總督劉兆祺



巡撫范承謨以是塘河路利濟攸關委耆民施國賢董其事歷一載築成石塘四千三百八十三丈橋六百二十三洞往來利涉商民稱便焉康熙  
仁和縣志施國賢欲於北關下塘創一護塘庵於  
塘隙地令僧居之每一塘壞卽募修補以爲永久  
乃以借支藩司銀兩下獄國賢賣棲屋以償得釋  
任事受累爲可惜云  
協鎮分標汛各防戍瓶津鼓接官塘足兵足食期民  
信仲墅還安預備倉

圖書集成北新關杭協千總一員兵一百一十五

三塘漁唱卷中

四

名分汛謝村起至五淋頭及運河一帶各塘塘棲

計鎮杭協把總一員兵一百名兼顧三白潭雙橋一

帶塘汛北關杭協兵二十名康熙仁和志預備

倉明洪武二十四年建永樂三年知縣彭奎重建

四倉其一在城西北仲墅

信感穿箭宣慰劉布衣得返去官舟傳籌設柵嚴防

禦何止城中半是愁

癸辛雜識劉伯宣爲宣慰司同知去官日泊舟北

關外偷兒盜去銀匙筋及毛布衫次日幾無可著

之衣其家欲經官捕盜伯宣語曰此輩不知吾乃



窮宜萬一見獲遂壞此生銀匙筋入其手亦不願  
得但衣服見還可也幸體此意人笑其迂越宿忽  
得一簾於空地視之布衣皆在焉劉公一言信及  
穿窬非一日之積也 圖書集成北關水兵嘉靖  
四十二年尙存二千節經裁革寢盡萬厯三年湖  
盜夥起駕船數十南自謝村北至塘棲橫肆劫掠  
村民不安藝提督徐拭設兵船十隻分地防守於  
是舟行無阻 武林紀略崇禎間北關運東西三  
河支港太多賊船難防杭嚴巡道黃鳴俊議定重  
設水柵傳籌會哨以資防禦其運河會哨地方三

三塘漁唱卷中

五

里漾謝村義橋洋口十二里洋鴨闌橋總管堂五  
淋港塘棲鎮花園橋百腳港落瓜埠五杭埠北陸  
埠大麻埠其東河會哨皋亭赤岸寶莊吳家壩西  
河會哨清水港女兒橋板橋良畝奉口十字洋限  
每月三六九日籌單繳換 姜夔白石道人出北  
關詩吳兒臨水宅四面見行舟蒲葉侵鵝頂楊枝  
蘸馬頭年年人去國夜夜月窺樓傳語城中客功

名半是愁

天倉玉粒歲輸忱北往南來立法深河運罷停歸海  
運運丁星散運船沈



凌璋森梓里叢鈔漕運糧艘有杭一杭二杭三杭  
四等幫每幫船二三十號每船伍長一人耆民巡  
丁一人篙工十餘人伍長眷屬半居船中自北關  
外至謝村排有水次各不相混春運秋歸每屆三  
年輪流修葺湖墅藉此衣食者不下百家自咸豐  
三年粵匪陷江甯鎮江隨陷漕運改由海運初則  
糧艘尙有苫蓋運丁尙給工食至十年杭州初陷  
海運亦停糧船不可問矣

風鶴聲傳動遠愁防臺高築伍林頭倉黃塘石全移  
撤何處來尋兩敵樓

三塘漁唱卷中

六

萬厯錢塘志嘉靖三十四年督撫胡宗憲於北關  
外築東西敵樓上有堞下爲門二十姚三晉棲  
里雜錄咸豐閒粵匪竄東南浙西戒嚴當事急議  
防守特築塘棲礮臺一座學使萬青藜有記刻石  
時緝於財用因移撤敵樓暨沿塘巨石濟之石料  
始盡

蘆根繞綠蓼新紅常潤蘇湖水各通載慣鐵頭舟販  
米不愁雨雨又風風

高翥菊礪集下塘詩日出移船日又斜蘆根時復  
見家水鄉占得秋多少兩岸新紅是蓼花



瀟臨安志浙西運河在北新橋之北通蘇湖常秀  
潤等河凡諸路綱運及販米客舟皆由此達於行  
都王夢梁錄下塘等處及諸郡米客船隻多是鐵  
船舟亦可載五六百石者其老小悉居船中往來  
輿販  
文山船被謝邨羈梅壑何能脫蒺藜誰謂青山不改  
色但聞風鶴不聞雞

文天祥指南錄德祐二年正月十九日予除右丞  
相兼樞密使都督諸路軍馬二月初八日謝堂已  
宿謝邨初九日忽駕舟回或謂伯顏得賄而免天

三塘漁唱卷中

七

台杜澣字梅壑糾合四千人欲救王室當國者不  
知省予頗獎異之客贊予使北梅壑斷斷不可逐  
之去予果爲北所留後二十日驅予北行梅壑憐  
予孤苦慨然相從自入北營未嘗有雜唱因泊謝  
邨始有聞是夜幾與梅壑逃去詩云軍中二十日  
此夕始聞雞塵暗天街靜沙長海路迷銅駝隨雨  
落鐵騎向風嘶曉起呼簷尹何時脫蒺藜 尹廷  
高玉井樵唱謝村云青山不改色紅樹遠含情當  
日聞風鶴俱疑是晉兵  
祖有同懷母有親兩家麥飯奠無人沈雲襄築鴛鴦



冢百世青山永結鄰  
金澗北墅金先生遺集沈君雲襄卜葬其叔祖某  
泊外王父章君某於謝村之原奉其祭祀以兩公  
並無後也土人號爲鴛鴦冢癸亥秋日同人往游  
因賦二律以貽溶江他日載之家乘可也  
節節漿凝青蔗尾  
稜稜味辣紫薑芽  
女兒墩畔饒金粉  
不看桃花看菜花

萬歷杭州志小林薑近蘇家圩多種之又甘蔗舊  
貢今仁和小林多種之小薑者名荻蔗 趙坦寶  
璧齋文集乾隆庚戌余欲縱觀寶石山緋白桃花

三塘漁唱卷中

八

小林范文振聞一再招余看菜花余感其情摯遂  
買小艇往小林去郡城五十里薑菜果著色正盛  
遂持酒攜榼登高快賞其集飲處土人呼爲女兒

墩

滇南戍負洛山樓松雨軒懷平仲微試權重披樂耕

賦藕花十二漾依依

樊榭山房集平顯字仲微杭州人洪武中官廣西  
藤縣謫戍滇南沐國公英延爲西席故居在北關  
外之橫里地有仲墅洛山水名十二里漾松雨軒  
集有句云萬頃水雲橫里北百年已隴洛山陽又



云藕花官漾十二里桑蔭鄰村數百家  
平顯松  
雨軒集有松雨公樂耕賦

三里洋通三里塘獨山前後水雲鄉編書縱問歸田  
訊栽菊空憐三徑荒

王同唐棲志三里漾在仲墅  
吳振械杭郡詩續  
輯馮如璋有晚歸三里塘詩  
咸淳臨安志獨山

在大雲鄉晴出雲則雨雨出雲則晴回環皆水蕩

瞿佑歸田詩話郁魯珍爲官陝西被罪退居獨

山村中不復入城寄詩云我已栽成三徑菊君今

著就幾編書然竟以題松石軒詩卷被累死獄中

三塘漁唱卷中

九

東發先生寓北關與田君穆結鄰歡沈園更作會心  
記十里瓜涇林水寬

黃震黃氏田鈔瀆祐九年余始寓行都北關監稅

田君穆騷人也與鄰壁一夕招余文字飲行都

向北可計里有瓜涇焉蒼溪沈氏居之園池靚深

可樂也復築室其勝處曰林水會心屬余記之時

咸淳元年

金佛爲鄰寺遠囂石屏蔡宅卜安橋挈舟葦浦來題

句生計粗菱竄橘饒

杭世駿道古堂集次蔡石屏安橋幽居老樹環階



綠映苔寺鄰金佛信幽哉租菱人去又魚集賣橘  
船歸載酒來北上半塘樓水接南瞻一嶺鶴峯開  
守元尙白真吾分門徑何妨徧草萊

福嚴寺締義溪濱記假青田昧所云願守佛前無誑  
語實庵礮石待真文

誠意伯集仁和縣北二十里有義溪焉宋嘉定中  
陳氏名迥廬於溪上捨身爲浮屠名其廬曰福嚴  
有弟子曰如春明皓旣而迥與春俱卒皓爲僧司  
皇慶二年賜額福嚴泰定乙丑皓建佛閣皓卒有  
弟子三人曰崇實崇志崇行實志卒崇行於至元

三塘漁唱卷中

十

庚辰建大雄殿壬午甲申丙戌殿院廊廡無不備  
具至正辛卯寺成將樹碑求文介杭人識予者以  
請予時臥病介倩人爲文假予名歸於師師覽其  
言詞鄙陋心不懌業已請不欲易也將勒石命褚  
奐書奐嘗從子校文聞中力辨其妄乃與師偕詣  
余求真文子將歸不克就明年予至杭師聞卽來  
猶礮石待余言師號實庵皓師號東巖記者栝蒼  
劉基書者武林褚奐也

端恪尙書著五杭外施甘雨內嚴霜若非苦節先尤  
母曷授遺經天鑒堂



乾隆杭州志沈近思號闇齋仁和縣五杭村人官  
至都察院左都御史贈禮部尚書諡端恪沈氏遷  
杭六傳至東園公諱魁好施予曾祖學顏祖時吉  
父大震皆以公貴贈妣皆贈夫人曾祖母尤氏年  
二十二矢志守節撫孤孫避兵禍艱瘁彌厲故贈  
貞君終身無笑容公所著有易詩論語小學及天鑒  
兩堂詩文集數十卷原書藏於奉賢直隸州  
兩村陸郭古朱陳沈第胡徐氣益振隱卻落瓜舊名  
里龍光橋接今駕南巡今南巡

塘棲志落瓜橋本名陸郭俗呼落瓜明萬厯閒御

三塘漁唱卷中

七

史陳心抑捐俸重修天啟閒里紳徐大津作疏募  
重修雍正丁未李宮保衛重修乾隆丁丑南巡時

改名龍光橋咸豐庚申兵燬光緒閒官工重修

博陸曾開慧日筵水亭觴讌侍羣賢重尋雪壁鴻題  
印六十回頭欠一年原書有長詩論語小學及天鑒

丁養浩西軒效唐集成化戊子博溪王思政延吾  
先君與唐元愷元性王宗盛館賓謝宗南倪伯玉  
至其鄉慧日寺觴於水亭之上予與仲兄師哲亦  
廁席末酒酣宗南有作予和之書於壁壁今五十  
九年矣當時同席今無一人生存予亦白髮種種



矣憶錄舊作云博溪溪上一追遊慧日名山萬木  
秋三徑草堂通別墅一閒茅屋瞰清流月明村鴨  
僧歸晚雲掩松關鶴夢幽尊酒醉來成一笑高風  
絕勝虎溪頭一絕云嵩上雲霞春綠樹  
草窗嫁女博溪隈時近春分雪又雷天地冥濛驚變  
色春秋有客證書來真婦晉徐靈寶妻又博溪  
秋癸辛雜識至元庚寅正月二十九日癸酉是年二  
月三日春分余送女嫁吳氏至博陸早雪作至未  
時電光繼以大雷雪下如傾雨雷不止天地陡黑  
生平未見爲驚懼者終日客云記得春秋魯隱公

三塘漁唱卷中

七

九年二月三國吳主孫亮太平二年三月晉安帝  
元興三年正月皆有雷雪之變未及考也

星兒幽怨殉琵琶亂降梅園忠惠家零落十年諸姊

妹博溪忍看舊時花黃五廿二廿三日癸酉是年二

姚光晉瓶山草堂瑣談吾鄉博陸村鍾氏明忠惠

草公裔家設此一女仙常降與鍾兄弟唱和極多句

多哀怨記其一聯云嶺上弄花春有影湖邊踏月

夜無聲未署星兒兩字問其故不啻後有其女伴

來乃詳述之蓋女負色藝貂璫逼之入宮乃抱琵琶

自沈於西泠橋下鍾氏所錄詩卷今已遺失鍾



亦零落

瓜山村廟樂巫氓靈石神稱禰正平不貴鼎鑪雕細  
細怡宜社鼓擊聲聲

倪璠神州古史攷瓜山出武林門十五里有大瓜  
小瓜綿綿齊墟夾岸連勢向北一瓜稍大南則橫  
橋連帶橋北有禰正平祠俗謂靈石浮來亦稱爲  
靈石廟 嘉靖仁和縣志相傳瓜山昔有香鑪一  
座漂至三足皆龍爪舉之須四人因封爲瓜山土  
神 楊星曜小峨嵋山館詩稿瓜山看桃花云社  
鼓初停噪暮鴉漢臣遺廟駐桑麻請君一擊春光

三塘漁唱卷中

三

好莫把漁陽舊調搥

孟言兄弟獨山棲軒匾清誇萬玉題壓倒林家三百  
樹梅花并不數西溪

張輿聯輝集萬玉軒記陸秉中字孟言世居獨山  
之陽其先大父谷營先生仕元爲宣政院同知退  
老於家依山構屋兵燹後靡有孑遺獨老梅數百  
十本在孟言遂築室其中讀書養晦與弟孟恭倘  
佯其閒躍躍而喜曰是造物者之以此與我輩相  
終始耶且此皆先人之德乎况此有處士之操君  
子之姿君子比德于玉乃以萬玉扁其軒介友陳



士甯求予記

獨山乙酉避兵時椿萎萱危苦自持鴻博辭徵堅孝  
行潛齋撰傳寫哀思

應搗謙潛齋先生集先考思齋應公先妣陳孺人  
家傳先考諱尙倫字明之乙酉避兵燹於武林北  
鄉獨山之東順治二年閏六月卒先妣陳孺人自  
獨山遷至駱莊順治甲午仲春卒全祖望鮎埼  
亭集康熙戊午詔徵博學鴻儒內閣學士項景  
襄李天馥交章薦搗謙搗謙輿牀以告有司曰非  
敢卻實病不能行耳學者稱爲潛齋先生

三塘漁唱卷中

齒

平原曲礮突山岡高士常登望洛陽壁上鐫銘擎柱  
石倪祠松蓋挺蒼蒼

萬厯杭州府志洛山西面皆平原惟此山突起昔  
有高士自洛陽來隱於此時登巔望洛故名石壁  
倪乾鐫銘於上洛山聯璧崑崙來脈造化毓成擎  
天柱石圖書集成倪文僖文毅宗祠在洛山前  
麓古松凌霄遠望若蒼蓋然里人相傳以爲宋木  
坡仙還闕下塘西野岸花飄鶯自哢或謂地因忠義

重玉潛留寓號唐樓

蘇文忠集杭州被召還闕別馬中玉詞明朝歸路



下塘西不見鶯囀花落處何琪塘棲志畧地以  
入重仍作唐棲蓋重義士之所棲止也唐名珏字  
玉潛會稽人瘞楊髡所發南宋諸陵骨後隱居塘  
棲永清寺側里人高其義因名其鎮鎮內有廟  
郎官歸足落河塹舟子當門空索錢久但見神鞞尙  
溼青林祠祀益加虔

張之募棲里景物畧宋知樞密院事何十六郎諱  
宗一因死於王事族人憫其忠祀像於廟一日公  
忽命一舟至廟前偶失足墮水進廟久之不出舟  
人索錢候於門外族人詢之云有何十六郎官人

三塘漁唱卷中

五

命舟至此族人怪之詣像前見雙鞞猶溼爲土穀  
祠以祀之三塘栖志宋知樞密院事何公祠在青  
林村村內有王墓  
水南福邸柳離宮夏絕蟲蝨水架虹留得棠梨自開  
落玉鉤斜外雨濛濛

浪車向榮半林吟稿王莊基相傳爲宋福王與芮莊  
院元初里中陳氏佃之爲墓今稱花園墳內有臥  
龍橋乃福王納涼處夏月無蟲謂周天度十誦齋  
集六墓村距塘棲七里宋宮人埋玉地詩云荒塍  
古隧暗棲鴉環珮魂歸識帝家春雨野棠開自落



無人知是玉鉤斜

大麻溪水發源長實古姑仙得道鄉俗厚風純宜壽  
考春官徐老祝康強

西軒效唐集徐壽鄉賀序畧云眷兄春官主政壽  
鄉徐先生今正德十年年七十有七正月十九日  
乃其初度先數日適有貺余龜鶴圖者余閱之曰  
此佳徵也遂裝潢成軸以獻先生少游庠習舉業  
長領鄉書登進士第試政春官授祠祭司主政甫  
三期解官歸養久之年六十喟然歎曰吾忠孝盡  
矣無所復用仕矣遂致事於家今十七年矣而氣

三塘漁唱卷中

六

益壯神益完體益強餐啖步履亦益便捷至於耄  
期上壽無疑也況先生所居麻溪之地實古姑仙  
得道之鄉其俗厚其民淳人生其閒者多壽考康  
甯先生曾高以上世居其鄉真所謂壽鄉者也

河廣橋疑白飲虹桑多魚賤鷺翻風隔城遠見吳山  
翠客在煙波濠濮中

王穉登客越志嘉靖丙寅五月泊唐樓河廣百尺  
星橋橫空如白虹沈沈下飲波中過唐樓水益闊  
桑益多魚亦益賤青田白鷺小船如瓜葉煙波中  
有濠濮閒想望見吳山翠微神思翻飛不可復禁



沈家父子利侵漁四片蜿蜒禍劈魚流水何如飯長者放生記爲菜湖書

七修類稿仁和四都民人沈浩父子橫法侵漁水

利嘉靖戊子夏家人劈二魚爲四片烹將食之魚

獸躍出盤者三鄰里來觀猶目蜿蜒沈曰是何怪乃

爾爾吾食之食無一月卽罹水利之禍明年長子又

亡非天假魚以兆之耶放生說塘棲張子羽斥

菜湖爲放生池建流水長者閣於池中延祕密巖

公主其事

兩洞超山水旱分摩崖石刻埽苔紋丁西軒像松坡

三塘漁唱卷中

七

侍逸客偕鑄沈望雲

塘棲志海雲洞圖有旱洞水洞臥龍淵釣月磯濯

纓灘模石池諸勝又有丁西軒像其旁石刻丁松

坡沈望雲二像

唐棲樹老不知年十日重經冰雪天折臂眠身神佛

地端平留句別雲泉

釋永頤唐棲寺前詩津亭樹老無人記周彌端

平詩雋留題唐棲寺詩云僧房十日相留戀爲怯

春寒未到家插岸斷冰妨盪槳入簷飛雪助煎茶

又留別唐棲雲泉上人詩云小殿眠身佛空廊折



臂神

掌管浙藩大門戶新移水利署堂皇至今尙說添三府叢薄寒煙聚北邙

周詩唐棲鎮添設水利通判廳記唐棲去會城五十里而遙當水陸孔道控帶三郡蓋藩北一大門戶也曩時督撫胡公巡按周公請增設水利行署卽命郡主盜者往毋令盜得逞誠便計也其署故在鎮下游墟墓叢薄與民懸隔歲閒一至卽不能終夕舍去萬厯杭州志嘉靖四十年夏四月移水利通判守唐棲住劄祈堂菴之東隆慶三年八

三塘漁唱卷中

六

月通判羅星以署與民居懸隔移置西半里許規制仍舊塘棲志曹菽園曰水利行署在唐棲大河之北國初廨宇猶完整今則鞠爲茂草殘月荒荒雞亂鳴穿林一點火微明向前菽乳初開肆已有人來趁曉行

王思任北行日記己亥不及抵北關二更泊五杭村落荒雞亂鳴終夜不寐披衣起坐推篷見殘月猶未落也路已有行人買豆腐作早餐味勝吾鄉天下水無大明比石闌隱語出塘西小林第一蓮花井范蔡來游盍品題



白珽湛淵靜語塘西大明寺前井鐫隱語於上云  
一人堂堂兩曜垂光井深赤一點去冰旁二人同  
行不欠一邊三梁四柱足火然若有雙鉤兩目全  
乃大明寺水天下無比也 咸淳臨安志范令光  
記云臨平山後數十里井鹵惡余客小林四面散  
汲其味畧同與范右之蔡及之納涼蓮花院院有  
三井叩僧孰勝僧指露井最良余亟取烹茗清甘  
寒冽品此泉爲小林第一 蘇東坡志  
王家莊或福王莊高擁千倉又萬箱一自三宮隨北  
去莊前天水碧茫茫

三塘漁唱卷中

九

萬厯杭州志唐樓河干有福王莊 唐樓志畧王  
莊宋福莊故基也伯顏破臨安福王及宗室駙馬  
隨恭帝北行宮人數百俱自盡 塘樓志成淳志  
福邸花園在天水院橋卽省院天水橋福藩似不  
在唐樓所謂莊者大約所賜莊地 蘇東坡志  
澇深嘉慶九年秋穀貴嗷嗷雁澤愁不見塘樓施粥  
廠誰知文達卹民周 蘇東坡志  
阮亨瀛州筆談嘉慶九年七月十三日浙江巡撫  
阮元奏杭嘉湖三府屬今歲麥收本薄又值夏雨  
過多低田被淹糧價陡貴臣奏奉 諭旨開倉平



糶臣隨於附省被水之所開廠煮粥就近老穉男婦許其赴廠就食塘棲鎮粥廠於七月初一日開廠監廠官湖州通判德甯候補知縣羅德營管廠官仁和縣丞韓勝祿江漲務大使韓觀國從九品李枝蔭從九品徐元魁董事張迎旭按塘棲粥廠在營盤兩旁空地搭設男廠二大座女廠二大座每座可容四千人備廠二座老人廠一座於東嶽廟有事宜二十條亦詳載筆記中今不備載

忠烈峩峩卓侍郎三先生後振書堂傳來薪火昌經學芳杜洲邊水亦香

三塘漁唱卷中

三

徐乾學憺園集卓氏傳經堂集序卓氏自侍郎忠貞公後數傳至入齋左車珂月三先生以經術文辭知名於時今火傳及其子允域並能世其家學火傳卽其塘棲里居建三先生祠又爲堂以藏遺書本入齋之意名其堂曰傳經而四方之士先後交於卓氏火傳必乞其詩辭以表彰遺烈所謂傳經堂集也 唐棲志芳杜洲在唐棲市南先爲杜處士懷南別墅處士卒歸卓氏名曰芳杜俾處士之名與洲俱傳也

浣紗已渡語兒溪十載鄉兵訓練齊想見沼吳遺壘



在新材填石膽和泥

葛豐錢塘賦潭則浣紗玉兒唐棲志張子漸句

壘詩云語兒亭畔女兒軍壁壘猶稱霸越文霞

舉堂集句壘詩云戎馬橫行白日陰破吳謀畫十

年深半林吟稿唐棲東北十里曰句壘相傳越

王軍壘所王軍壘所

塘列神堂上下中金元七總管靈通千橋萬櫓行如

織默祝平安慎旋風織默祝平安慎旋風

曹妃棲水文乘利濟侯金總管廟在長橋南塊弘

治閒建此廟以鎮橋梁今稱侯爲隨糧王康熙閒

三塘漁唱卷中

三

有功漕船徐逢吉清波小志金元七總管廟其

來已久神生時來往江湖閒沒後爲水神金者神

之姓元者神之名七者神之行總管者其官職也

獻祀之確乎有據不爲褻典陳文述春游日記仁

和王家莊之下河塢立有碑誌曰謹防旋風

洞黑神龍抱水眠海雲題壁趙公鐫恍如遼鶴歸華

表夢見超山夕照邊表夢見超山夕照邊

西軒效唐集超山南有水陸二洞陸洞之底亦水

也相傳有黑龍居之山麓發路土建觀音庵石壁

鐫海雲洞三字郡守趙閱道所作歲久庵毀弘治



聞山歸於我因和趙集游海雲山詩韻鑿石開深  
洞分泉螿小池月華來海窟雲影落天涯散果猿  
爭食看花鶴自隨前溪通驛路冠蓋日奔馳宏治  
辛亥春仲寓京邸夢登樓倚西窗眺夕陽遙見故  
里超山遠在數千里外了了明白山下行人亦復  
見之淒然感作云傷心萬事在題詩夢裏家山了  
不迷溪上玉樓樓上客幾回閒倚夕陽西  
破被寒僵曉夢頭一篷活計賣魚還照妝懶卜菱花  
鏡不問東西木杓灣

吳錫麒有正味齋集木杓灣見梅花云病臥虛堂

三塘漁唱卷中

三

藥成崇寒僵破被春無功出門一笑忽明眼乾雪  
冥冥潑一篷

紅亭八角水東頭絃管人來賞桂秋指點祇堂高閣  
上佛鐙如月映清流

周天度十誦齋集詩註塘西分水亭瓜離橫出俗  
呼八角亭每中秋游人載酒乘月往還絃管清絕  
又云清流寺亦名祇堂菴傑閣凌霄爲棧水之勝  
佛鐙終夜不滅

范堰佳稱扁眼藕瓦窰新產折翥菱藕如雪粉香尤  
滑菱縱浮根角有稜



夢梁錄仁和護安村舊名范堰產藕扁眼者佳瓦  
窰頭產菱三家村有進貢藕粉 梁玉繩蛻稿舟  
過塘棲采菱曲妾如菱角常愁老郎如菱葉任浮  
沈妾家便住菱塘側與郎同喫折腰菱

六十懸弧聚七賢同寅同甲感華顛落瓜更證三生  
石流水橋頭弔朗然

杭郡詩輯徐士俊字野君家鄞水時有詩社四方  
才士常主其家有同寅同甲歌序云里中同於萬  
厯壬寅生者有沈扶九金孔賓張五聚沈無虛俞  
惠公胡循蜚暨余共七人今歲辛丑爲六旬初度

三塘漁唱卷中

三

紛紛先後懸弧 徐士俊雁樓集沙門朗然余落  
瓜里中老僧也居土穀祠四十餘年庚寅冬杪一  
病而逝年七十三其弔詩云我里旣荒涼吾師亦  
圓寂安得舊精魂重過三生石

橫潭歌就筆無瑕快雪餘芬製畫又十卷宋刊金石  
錄收藏印押舊人家

唐棲志畧馮文昌字硯祥嘉興諸生爲司成開之  
孫以次子襄仲贅於棲里沈氏遂徙家依之硯祥  
旣工詩兼好古書畫有宋刻金石錄十卷手跋其  
後又爲刻印文曰金石錄十卷人家所著吳越野



民集有橫潭歌

張卓吳周孟高呂胡陳金沈數諸娥堅貞節孝還奇  
烈心比超山石老婆

唐棲志張烈婦仁和諸生張無疆女卓節婦舉人  
卓文卿室吳貞女文學吳太末女周節婦儒士周  
俊暹妻孟節婦生員孟永嘉室高貞女棲水高宏  
芳女呂節婦呂允斌室胡節婦胡心得中丞子允  
昌室陳孝女文學陳言女金孝女儒士金豔生女  
沈烈婦漳溪沈振烈妻貞孝節烈俱載志乘

西園風雅有餘思欲選鄉賢集屢遲邵卓胡朱徐呂

三塘漁唱卷中

七

沈先吟棲水十家詩

阮元兩浙輶軒錄沈洪芳原名洪傑字子旋號椒  
羽仁和諸生著冰雪草蟋蟀吟病草磊庵畫中詩  
山居集家有西園梅竹周而後贅馮硯祥文昌之  
子裒仲于家割其半以贈故又稱馮園嘗賦十子  
詠序云棲溪背山臨水去皋亭黃鶴峯二十里而  
遙曲曲溪流繞超址而東焉居山下者鍾靈多在  
棲市百年閒文人肩背相望自邵康僖公而下代  
不乏人詩古文詞俱有集行世余欲合選而梓之  
使卷帙簡而可久今茲未能聊作十子詠以誌邵



康僖銳字端峯正德戊辰會元初忤璫瑾復逆藩  
濠不得入館閣仕籍亦艱卒諡康僖卓光祿明卿  
號月波爲光祿丞嘉隆閒名公如太倉濟南諸子  
咸與倡和棲水風雅實公啟之卓太學發之號左  
車寓金陵清涼山下交徧天下有漉離集卓明經  
人月號珂月崇禎乙亥選貢左車子也有蕊淵集  
蟾臺集其中興頌集千字文爲阮亭所賞胡庶常  
允嘉號休復萬歷癸丑進士讀書中祕卒有柳堂  
集朱茂才大輝號原信嘉興人交胡庶常遂流寓  
焉曾爲吳子敏宗師所賞食餼於庠無家室寄居

三塘漁唱卷中

五

黃鶴山之青草鳴僧舍二十年有集甚廣徐武陵  
灝號大津崇禎戊辰進士官武陵令詩多清健劉  
亮作令頗強項以傷豪貴獲譴卒於武昌呂山人  
需號水山通兵畧曉奇門遁甲之書暮年懷奇不  
售書畫有逸致與徐華亭相公善又同徐文長沈  
嘉則客胡梅林幕府時稱三山人云家大參朝煥  
號太元萬歷甲辰進士有泊如集官劔南備兵政  
績甚善家太學庭訓號警韋閉戶著書有清遠樓

集

姚麟祥是解元師筱飲曾傳孝子詩頰慰母頤承撫



頂白髭猶是效兒嬉

陸飛筱飲齋稿孝子詩爲余師作也師姓姚名祥麟仁和諸生居塘棲娶德清沈氏女生三子次最慧先後俱沒竟無嗣懼實行之就湮迺爲詩冀采風者錄焉孝子生早孤辛苦甘寒飢始補弟子具阿母顧謂兒兒相甯富貴兒命實數奇一矜可終身慎勿妄有希再拜語阿母兒惟耽文辭母年至八十孝子已白髭阿母或上堂孝子走相依柔聲呼阿母以頰慰母頤母手撫兒頂欹側爲兒嬉

盧橘垂垂蜜橘森夏初秋末遞垂林盤洋獨甲塘棲

三塘漁唱卷中

美

富一樹金還一點金

朱彝尊曝書亭集塘西市蜜橘麤皮而小民魏成憲清愛堂集注余年十三隨先大夫就醫塘棲高石生太守招游丁山湖卽席命賦余有句玲瓏橘樹層層岸宛轉菱歌處處聲太守大加擊賞吳存楷硯壽堂集塘棲詩云菱紅熟已久橘綠香可採十誦齋集丁山湖詩注盤洋以東多果樹惟枇杷冬夏不彫

淨綠醴醴景色幽鳴榔遠近溯洄流試尋讓谷周郎記難忘丁山湖舊游



十誦齋集丁山湖舊游記出北關二十里至橫涇  
橋東望有山質然曰獨山舟泝橋而入行可五里  
許曰橫里邨居民數十家背山臨溪茅屋在桑棗  
中如罨畫然蓋獨山西麓也溪循山而東入三四  
里兩岸皆良田廣陌其南皋亭諸山如屏如障山  
下村人以梅李代穀種花時彌望如雪又東有橋  
曰花橋又東里許溪轉而北北三里有山曰南鮑  
山陰相國朱文肅公佳城在焉舟抵山之足有畧  
狗橫左曰南鮑橋循而東里許忽轉而西又里許  
而北北又東蓋溪環山流山有向背而舟隨之旁

三塘漁唱卷中

七

溪復有居人數十家曰泰山村村人倚山結屋左  
右盡農田在溪北溪沿流多柳每東作時牧人騎  
牛亂流而渡牛背人映清波山光晦對眉髮俱作  
紺碧色其東則抵超山北麓矣山延袤可十里南  
北得其三之一直上數百仞巉巖嶽嶸膚不土而  
佳木蔭竇不乳而甘泉滋吾鄉陸雲士先生所謂  
巖壑非深穴藏虎豹者言其幽也循山而行又里  
許過節壩橋橋左百餘步得水口復有小橋跨之  
其廣僅容一刀清波入焉沿迴曲折里許乍聞鳴  
榔聲時遠時近少焉地勢忽開澄湖數十頃醴醴



淨綠涵虛混清蓋丁山湖也繞湖而居者遠近十  
許村如環如玦縈抱左右人家以樹藝網罟爲利  
一邱一水坐致百金橘柚枇杷蒨芡之屬歲入不  
貲農人以爲城北隩區者無踰是焉村旣富實地  
復清幽於是四時景色莫可窮殫方夫早春冰泮  
輕風試鐙水閣梅開柴門月上則宜擘牋題句連  
臂踏歌擬泉石之平章作鶯花之管領及夫錫簫  
初輦巫鼓乍誼翠陌花鈿繡塍羅屨時則新儵出  
水榭柳困春曲徑短牆紅扶綠驪南山妮爐有若  
凝妝靜女故作撩人眉色雲光水色中時有蘭橈

三塘漁唱卷中

美

畫槩遠來親人益移情蕩魄雖漢川洛浦之遇或  
未之過也乃若濃陰掩屋蠶事未開微雨斂塵輕  
風送遠時或煙鬟罷掃雙頰斷紅笑問客來愁教  
春去薄羞淺恨殆難爲懷至於夏靜日長槐陰轉  
午豆棚接徑瓜稜分畦曲院纒聲隨風微度此時  
竹牀攤飯烏几枕書又何必長簟懷冰鴛幃聚雪  
耶至若冷蓮墜粉秋穀懸黃蘆畔未晞蘋末微振  
或嫋嫋如縷曲港菱歌或澹澹如羅空潭漁唱以  
至霜高氣凜土銜茅檐或曝背於南榮或迎暉於  
東牖聽糟牀之雨嘗芋釜之香梭惟宛轉慣織新



愁懸定奇温不寒昔夢他若朝霏暮斂煙斜霧橫  
尤在知者知之未可以細素傳也約其最勝之處  
有三曰盤洋曰洪家漾曰紅沈潭自洪家漾而北  
至塘樓七里東則白栗山橋東至臨平二十里皆  
野田平坂漸近鶯塵無足紀者余癸卯甲辰閒陞  
伏故里遇良時勝日無歲不往蓋生平於此賦情  
特甚焉自乙巳辭家十六七年南北奔馳回憶舊  
游恍如隔世每欲畧爲抒寫自愧才韻枯梗忽忽  
不就今年長夏爲南礪言之則浣溪之約不待鴟  
夷矣南礪欣然拊手曰信耶然則盍書之乃書焉

三塘漁唱卷中

完

三塘漁唱卷中終

寒昔夢他若朝霏暮斂煙斜霧橫



三塘漁唱卷下

錢塘丁丙

正德年時值戊寅宜塘五色水流新丈逾數十無祥瑞水底人言有寶珍  
七修類稿家有薄田在於宦塘正德戊寅塘水忽有五色長數十丈後竟無祥或言水底必有寶耳仇山蕩口匯三茗巨漲春秋滾似潮多少恆河沙裏數神龍吞吐也難消

阮元杭州府水道圖南北中三茗通於仇溪淤沙在涇山港之北北茗之東北通餘杭塘河

三塘漁唱卷下

水利備攷苕溪匯入瓶窰處曰涇山港口有漲沙百餘畝阻塞嚙要不能宣暢故在上之溪沙易壅在下之河流橫恣亟應剗削

共道青蔥產板橋橋邊造廠利親操遠師南渡官船解轉漕爲舟敢憚勞

咸淳臨安志蔥出板橋孔天允改造船廠記浙歲繕漕船初嘗解料於淮後勿便改回本省然猶募作蘇地復勿便始於仁和縣謝村置廠嘉靖甲辰潮溪謝公來蒞以廠實隘陋令指揮牛天賜相度其宜僉言廠宜更置關外板橋乃糾工繕作規



制廣嚴公嘗欲畧減料價以杜競逐是亦一法然  
舟漕事大計費爲小但貴操得其道而已

道家偏不庚申守佛誕緣何劫殺開血雨魂風板橋  
路誰驚粵寇夢中來

梓里叢談咸豐十年庚申二月十九日值觀音誕  
期粵逆從武康冒雨直走板橋關犯北關武林門  
城中官民皆不知也

西挺孤山北獨山明湖橫里稱幽攀鰥魚寡鳳盈盈  
隔誰識蒼巖與翠鬢

留青日札杭有鰥寡孤獨四山皆孑然無依今孤

三塘漁唱卷下

二

山在西湖獨山在仁和橫里人皆望而知之寡山  
通餘杭支港去余家之西咫尺亦名鳳山人莫之  
稱鰥山在寡山之西一水之隔俗名魚山乃鰥之  
省文而傳誤者也

險塘西岸宿沙痕髻髻當年亭市村草綠窰山煙火  
滅土花猶賸破瓶盆

太平寰宇記杭州亭市村人悉作大瓮今謂之浙  
大瓮萬厯杭州志瓶瓮瓮缶今出錢塘瓶窰

禦患施飢理合神蔣三公後聚三墩鄉風古樸宗祠  
遠耕讀年年長子孫



王昶春融堂集蔣氏祠堂記出錢塘門三十里爲西溪西溪西有南北兩蔣村北蔣村旁屋數十楹則蔣氏之家祠也蔣氏世有閩人其先有孚順孚惠孚佑三公遭方臘之亂能率兵以衛其鄉里又常出粟以濟歲飢故其歿立廟封神然譜牒不傳故其祠以七世端公爲始按祠之制一遵家禮傍山臨水村落環抱風俗淳古尤以耕讀爲恆業雲祚蕃衍生殖富有久而逾甚可知矣按三墩村今蔣姓猶繁盛

衣絮空誰卹旅貧願爲化主誼殷勤北風聲徹東塘

三塘漁唱卷下

三

路如聽吳郎募疏文

七修類稿吳天祐江西豐城人寄食於杭東塘陳廷彩家冬無衣絮陳子蒙調之曰能作疏文當爲化主乃作疏曰伏以捉襟露肘誰憐子夏之貧冬暖號寒可免昌黎之歎含羞在己貽笑於人竊念天祐半生若蟻一拙如鳩身常苦饑寒頗類吟詩之賈島志不在溫飽愧非及第之王曾雖字頗能識書頗能讀然寒不能衣飢不能食灞橋踏雪難尋手足之凌兢刻木乘舟無奈身心之顛掉鄴侯萬卷亦徒耳范叔一寒如此哉幸託身桑柘之鄉



而長者擅絲綿之利深筐大箔價輕千鎰之黃金  
溫繭柔綿色瑩三冬之白雪眼見之而忽熱心欲  
之而難言旣民胞物與之同然豈推食解衣而不  
可惠而好我實爲道義之交勉爾求人不知言辭  
之拙分我一團和氣奈他千載歲寒高誼難忘服  
之於膺而佩之於背眾輕易舉與不傷惠而取不  
傷廉袁安免僵臥於洛陽師道不忍寒於郊祀若  
肯結緣秀士也勝布施山僧士謁朱門何畏滿頭  
之風雪一吹鄒律頓回幽谷之陽春遍告斯文圖  
成善事謹疏陳氏父子遂勸習舉業爲之占籍仁

三塘漁唱卷下

四

和後膺甲子鄉薦而陳氏之門自是無祐之跡矣  
句莊曾葬秦長腳奉口傳生賈滿頭南渡初終兩姦  
相何緣禍水此同流

留青日札余鄉東北十餘里地名狗葬其鋪曰良  
犬初不解其名或曰狗濡身溼草以救野火焚其  
主人之故 湖塘雜記句莊一稱狗葬秦檜櫬棺  
處 七修類稿萬安丞賈涉在鳳口悅洗衣婦人  
而生似道

山傳荀子讀書處欲考碑文碎且磨更有野橋名杜  
甫依稀廟祀十姨譎



田藝蘅教授集遊白鶴諸山記由東長明取道荀  
山寺老僧云是荀子讀書處碑石粉碎莫可蹤迹  
林璐歲寒堂集良渚一橋舟人呼曰杜甫橋見  
田家持雞豚以賽者輒曰杜甫廟夫少陵雖曾遊  
前吳越此地僻壤未聞高人隱士託足於茲豈前代  
面慕其爲人而祠之歟獨是千古詩人忽受村人祈  
禱冤矣

良渚書齋寂寞寒春深風雨意闌珊白髭閒集三唐  
句空見朱門鎖牡丹  
柴才百一草堂集唐詩丁卯館良渚述懷集白居易

三塘漁唱卷下

五

易年過六旬時元稹寒爲寂寞資蘇頲試將明鏡  
照方干又白幾莖髭又良渚居人惟事求田問舍  
見一叢牡丹深閉園亭直待風雨飄搖始扯往觀而  
花已闌珊因以朱慶餘空見朱門鎖牡丹句賦之  
面壁菖蒲供石盆第三羅漢現靈根孔顏樂處憂心  
悄儒釋雙參動至尊  
超琦大覺普濟能仁國師年譜玉林國師常州府  
江陰縣人族姓楊氏父字振陵母繆氏夢白衣老  
嫗而娠三十五歲至大雄山有前邱居士求雜度  
以石菖蒲一盆供師丈室內有水晶應真一軀丙



戊冬師行腳出外有小兒竊像歸家至夜分小兒  
腹痛發狂自言我自第四尊羅漢大雄乃第三尊  
羅漢現身汝何竊我像歸污穢地不急送歸不能  
生矣其父母詢知卽送像歸大雄寺大雄有面壁  
巖師四十六歲值順治十六年供養西苑之萬善  
殿一世祖問如何是孔顏樂處師云憂心悄悄  
大雄山徑檜松參巔有龍潭復蜃潭南渡曾聞投鐵  
簡奉香閔雨爲祈甘

教授集良渚西南爲大雄寺松徑深窳巔有龍潭  
南渡時嘗投簡祈雨潭中多產蜃蜴戲有持去者

三塘漁唱卷下

六

輒不見云能飛去山之南有龍潛鳴前溪又名蜃  
潭

無量佛閣墨龍蟠華藏經函記靜觀不有伊蒲輸五  
斗孤松安得撫盤桓

任士林松鄉文集崇福院在杭州城北門之北良  
渚之南宋淳熙乙亥建也景定庚申前住山壽潛  
初建無量壽佛寶閣中奉四大部經今住山師學  
宏葺而新之具足梵典五千四十八卷經左右南  
向律論東向西向疏鈔北向羅汪良壁登大雄山  
崇福寺詩鈴語松篁外茶香竹籬閒伊蒲飽一飯



絕頂共登攀

田焦暑烈逢甘澍壘廢村空過戰場何似弟兄相避  
近青山袞袞露蒼蒼

樓鑰攻媿集奉口遇雨云七月欲盡八月初天久  
不雨暑未徂下田焦卷上田槁愁歎不止田閒夫  
元雲忽起西北隅兩岸人物歡欲呼 高啟大全  
集過奉口戰場云路迴荒山開如出古塞門不知  
將軍誰此地昔戰奔我欲問路人前行盡空村登  
高望廢壘鬼結愁雲屯當時十萬師覆沒能幾存  
年來未休兵疆弱事并吞功名竟誰成殺人徧乾

三塘漁唱卷下

七

坤媿無拯亂術伫立空傷魂 貢奎雲林集宿鳳  
口會九萬兄云扁舟下蒼滄日暮浮雲散青山袞  
袞隨十里行不斷古塵絕人煙纜纜臨絕岸誰知  
兄弟情邂逅忽相見

葛墩土穀廟荒涼王某於茲教一鄉夜見神前虎來  
拜緣何臥側不爲傷

七修類稿仁和七都地名葛墩有土神廟荒落無  
主而敗壁可達正德時王姓者設鄉校於此夜卽  
寄宿一夕見虎入廟叩首於神前若拜跪然久之  
而去明晨語人



太婆太僕山一邱鴨彈壓瀾橋合流村港伍林一再  
誤武林頭與五淋頭

萬厯錢塘志安溪之東有太僕山一名太婆山

七修類稿仁和七都有橋曰壓彈予意當時取名  
必曰壓瀾所譌也 塘棲志朱磨伍林懷古詩云  
武林村港口曾是設重關 棲里景物畧吳伍子  
胥宅在鎮西五里相傳子胥避難處俞美英唐棲  
行詩序伍臨頭乃伍相禦兵於此今譌爲武林頭  
俗又稱五淋頭

報恩孝女潮皇唐前有馮孃後醜孃刲股剖肝心活

三塘漁唱卷下

八

母一鄉南北兩流芳

咸淳臨安志馮孝女穆宗時人少孤無兄弟及長  
不嫁以養母母疾篤思肉食刲股爲糜以進後母  
死號慟嘔血旣葬結草廬墓下日焚香蔬食刺臂  
血書佛經捨宅爲寺以薦母長慶三年詔賜束帛  
賜寺額曰報恩今錢塘縣有孝女南北兩鄉 夢  
梁錄唐醜孃居孝女南鄉年十三母病刲腹取肝  
和粥以進母病愈醜孃以創入風而死

黃夷簡奉使朝天建宅言歸待禮賢乞病安溪保明

哲閒吟蔬甲茗旗鮮



玉壺清話黃夷簡閒雅有詩名在錢忠懿王椒幕  
中陪尊俎二十年開寶初太祖賜椒開吳鎮越崇  
文耀武功臣遣夷簡謝於朝將歸土謂夷簡曰歸  
語元帥朕已於薰風門外建離宮規模華壯不減  
江浙兼賜名禮賢宅以待李煜與元帥先朝者卽  
賜之今煜崛彊不朝吾將討之元帥助我乎無爲  
他謀所惑果然則將以精兵堅甲奉賜向克常州  
元帥有大功俟江南平可暫來相見否無他但一  
慰延想爾固不久留朕執圭幣三見於天矣豈敢  
自誣卽當遣還也夷簡受天語俛首而歸私自籌

三塘漁唱卷下

九

曰茲事大難王或果以去就之計見決於我胡以  
爲對迨歸見倣因不匿盡以天訓授之遂稱疾於  
安溪別墅保身潛遁夷簡山居詩有宿雨一番蔬  
甲嫩春山幾焙茗旗香之句雅喜治釋太平中歸  
朝爲光祿少卿後以壽終焉  
波藍晴染約齋題十丈亭橋鳳口西破廟獨尋無淨  
院船留紅灩夕陽低  
南湖集安溪道中詩染晴波色重於藍煙鳴人家  
屋兩三又舟過良潛詩直須鳳口泛晴溪又安溪  
晚泊因到無淨院詩十丈亭橋穩棹溪斜陽紅灩



入船低枯筇徑過荒街北靜院深尋破廟西  
安溪費有女中師令子錢塘張擇之爲乞寓賢揚母  
德任松鄉集著銘辭

松鄉文集夫人費氏墓志銘錢塘張擇之擇交當  
世不苟希合從周應奉趙集賢游而樂與予追尋  
事大德十一年十二月齊衰膝行謁予於西湖之上  
人曰擇之不天母氏終矣必求先生銘以狀來請無  
辭銘夫人姓費氏諱某同郡安溪人也總角擊祝  
在父母側誦論語孟子學李夫人書習九章算學  
既事張氏肖孫龜勉奉舅姑承歡乃退定省溫清

三塘漁唱卷下

十

禮加良人大德十一年五月初得瘍疾曰此非婦  
人證也願以他疾終至十二月果不食飲怡然而  
逝

入山廿二泣逋臣不拜迦文拜建文天  
事漫留姓氏與僧聞

張培仁妙香室叢話錢塘大遮山東明寺建文曾  
避蹟於此本朝丙戌某月有二十二人皆偉幹傑  
貌免胄而入命守僧以米三斗作飯豆一斗作乳  
倉卒具食飯後徧視佛像不拜見建文像則拜而  
下泣問邑里姓氏不答聞其聲知爲北人也問今



何往則淚隱隱承睫曰吾糗盡游觀天下無可起  
事者

寺隱東明山大遮袞龍脫體換袈裟辟塵珠晦風磨  
鏡贖有天香國色花

留青日札東明寺在錢塘安溪去吾鄉不二十里  
相傳建文皇帝爲僧曾居此寺 朱樟一半句留  
集東明寺殿前牡丹一本明建文帝手植高二丈  
許花以千計爲茲山之勝其留別東明寺有句云  
法高雙樹說塵毒一珠還蓋寺中無塵殿相傳有  
珠一粒云 蔣炯蔣村草堂稿東明拜建文帝象

三塘漁唱卷下

七

云但聞寶殿懸金鏡誰見名花種玉墀  
琮璧工誇雕琢才不然寶器出泉臺徒令骨董呼南  
土偷把鴉鋤掘玉來

鄭煜執玉堂雜記今骨董家所售漢玉方珪圓璧  
髮圈鼻塞其色多黃半漬血跡謂之南土皆出安  
溪未必全真也或謂舊設玉局或謂出自冢墓究  
莫能辨其一 是土人往往於夜開掘取稱曰玉嘯  
橫里東山祀謝公雲孫忠烈殉金龍呂梁一捷神靈  
顯祠廟風猶怒吼風

留青日札謝安之東山元在會稽仁和橫里亦有



東山今謝公廟在焉 康熙錢塘志謝緒理宗皇  
后謝氏之族也宋帝北狩時元兵突入緒赴水死  
葬於金龍山祖墓之側立祠其旁明太祖戰於呂  
梁敵兵乘流而下垂敗空中聞人馬聲旌旗隱隱  
見金龍字遂得捷 仲學輅金龍四大王祠墓錄  
王張應楨拜金龍四大王墓云宰木百年樹枝幹高  
蔚蔥龍長松數十里蜿蜒如臥龍  
綵蚌零璣笑碧渠神龍敢攫浴溪珠望雲亭在雲深  
處夜夜光明照讀書

陳繼儒寶顏堂集金龍四大王姓謝諱緒髻鬣時

三塘漁唱卷下

三

與里中兒浴溪獲光明大寶珠閒一摩弄輒溪雲  
滙集有神龍似欲攫珠者嘗建望雲亭於金龍山  
之嶺而隱焉

虎殖安溪戶得安令叨鎮守獎除殘誰知嘲出俞鳴  
玉行政休誇猛濟寬

雷琳漁磯漫鈔宏治初錢塘安溪山多虎患縣令  
獵人捕之一日而獲三虎縣令獻於鎮守鎮府喜  
加以美言獎之然令實貪墨者焉時有府辦俞鳴  
玉戲嘲云虎告使君聽我歌使君比我殺人多使  
君若肯行仁政我自雙雙北渡河亦得詩人之意



焉

溪綠辰逢六十生泣言母吮目偏明胡翁一志眞千古奚止區區繪事精

胡允嘉盛溪綠生志吾鄉呂水山先生書法精勁畫無塵埃有盛世者安溪人也避仇居先生廡下固工寫照先生與語山水去就草木舒結盛大悟筆法頓工一日與余飯適其六十誕辰余謂何以壽予盛立庭下飲泣余怪駭之拭涕言曰余哭吾母也世生而歲瘴發熾然一一著面瞳如覆孟母苗日夜砥吮一日復開六十年留偏明於人間見

三塘漁唱卷下

三

日月光不至愴然作死人者皆吾母涕唾也母亡矣雖有目視之不見矣世何以報吾母乎公能言而志其痛于世且不朽何以壽爲余猝然許之世初爲錢塘安溪人今爲仁和塘西人溪綠其別號也

虎彪鄉里捍艱難伯錫崇仁駐虎山螳臂雙撐忠血碧瓶窰千古淚潺潺

古高承颯自靖錄仁和縣鄉紳總兵虎彪字起凡屯營天目往來安溪徑山瓶窰所統五六千人戰死崇仁伯王唐俊武舉乙酉閏六月與掛平原將軍



印中軍都督府左都督仁武伯姚志卓各起兵於  
餘杭瓶罌之間俊駐虎山十餘年監國封崇仁伯  
以秀水諸生金甌監其軍俊於辛丑冬糧盡散其  
眾壬寅正月甌被執死俊挺身慷慨就死

咸淳未併二年前局造安溪會紙堅何若普甯經募  
印蓮花片片懺諸愆  
翟灝湖山便覽宋造會紙局在赤山湖濱先是造  
紙徽州繼又於成都乾道四年以路遙弗給詔卽  
臨安府置局始置九曲池尋徙今處別有安溪局  
咸淳二年亦歸併焉工徒凡一千二百人 黃汝

三塘漁唱卷下

十四

亭寓林集普甯寺印造藏經募疏樓水普甯寺者  
作鎮東方標名南宋及明正統而就圯藉于忠肅  
以中興距今已累百年閱世爲之再變幸有葦航  
大師者下雞足山以卓錫斯方作獅子吼而振鐸  
旧有眾言傳東譯之文默受西來之旨卷凡若干函  
資需若干兩輕裘非一狐之腋大海爲百川之歸  
倚辦法財因緣善信庶使文翻貝葉行行班滅罪  
之文字落蓮花片片點成伊之字  
歸真示寂境迴龍信宿郵舒歧路窮局仿惠民園漏  
澤儒門移作佛家風



虞淳熙德園集瓶窰重建真寂院碑云六鑲鳴而  
雙徑接孤筇指而九華開東林西土驀直便去而  
泣歧路哭窮途之子藉僧郵焉不幸而病予者婆  
之藥僧之惠民局也設不幸而化斂棺瓦之蓮僧  
之漏澤園也若夫學布三宣之律而嚴百丈之規  
則又僧之學校也 章藻功思綺堂文集真寂禪  
院迎住持師啟真寂院者地卽佛心路經天目茗  
溪所注徑山所盤記垂創於百年溯源流者四世  
利名都假此則歸真塵俗何諠於焉示寂

闡禦雙茗衛萬田築修夏趙葉周賢化灣重頌聶侯

三塘漁唱卷下

五

德紀治錢塘第五年

寓林集錢塘聶侯重修茗溪化灣闡碑聶侯治錢  
塘之五年興除不可勝紀惟茗溪居邑之西偏通  
霄溪太湖注於海沿表百五十里爲闡有五曰化  
灣闡者水溢則闡旱魃則闡潞洩惟錢邑是賴創  
始於宋淳熙六年重建自洪武而永樂閒數決闡  
圯天子敕大司農夏公原吉繼納言趙公岳修築  
正統十年復圯邑令葉公宗衡申請事聞上敕少  
司空周公經再勘築治如故至今百六十二年無  
患矣萬厯戊申天降霍雨五月闡復圯下民其魚



侯蹙額曰赤子在濁父母之謂何于是單車出郭  
行赤曝下涉巨浸甫一載餘而閘成矣種種德政  
詳他紀中又奚贅焉爲閘也碑用告來者

三塘漁唱卷下終

三塘漁唱卷下

十六

07187





